

Hebreu-ò

Tyyriti judeu ityhydỹdu mahãdu-ò

1 ¹Juhuu Deuxu inytybyreny-ò rarybemy raremyhỹ. Deuxu rybe-ò ijohonadu-di tamy rarybere. Tule sówemy aõna aõna wixira wixira rarybere tamy. ²Tahe ikonana wiji txuu inydeereny tariõre diteõnykemy rarybera. Tii rarybere tybyderòwmy. Iriõre tahe ibutumy aõna aõna wedu rare. Deuxu iriõre kia rarekemy rarybere. Tii tule juhuu bede widỹdu rare. ³Tii Deuxu loosõna tỹnydỹdumy ratxireri. Deuxu wesehyymy ihỹmyhỹre. Iriõre, taryberuru-di, ibutumy aõna aõna rimymy roimyhỹre. Iny òrarunareny riixãwididỹnmy rahudi, biu-ki lòlò Deuxu ruruna weribi ronyre. ⁴Iriõre ranire niwihikỹmy. Tii dori ýjuratyre awityhyre. ⁵Tiu heka ýjuõ-ò rarybeõhyymyhỹre: —Kai wariõre tate. Bohyymy wiji wãhãre. Ijõ ritidỹmy rỹre, kawesemy: —Jiarỹ tybmy ararekre. Tii wariõremy rarekre. (Kia tahe ýju-ò tii rarybeõhyymyhỹre.) ⁶Iriõredela kabede-ki reareu ixityre ijõmy rarybere: —Ibutumy Deuxu ýju tuu reàlakemy. ⁷Ýjumy tahe kawesemy Deuxu rarybere: —Jiarỹ ýjuboho tahe yhy ele elewesemy retxienyre, wadeòduboho heòtyloosòwesemy retxienyre. ⁸Tahe tariõremy kawese rarybere: —Wariõre, Deuxulemy atxiteri. Kai ibutumy inyiòlòhyymy rare. Aruru tuedeõna debõna dire. Wiwesemy nonana-di ibutu-ò atximahãte, òbitimy. ⁹Òbitinaluumy kai atximahãte òraruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana. ¹⁰Ijõmy Deuxu rarybere tariõremy: —Kai Wanyrỹ juhuu bede widỹdu tate. Bede ibutumy tewinyte. Tule biuludu aõmydỹnana tewinyte. ¹¹Kia bede aõmydỹnana ludu ibutumy rexihukemy. Kai tahe tiu atuedeõna. Iwese uwòhi retybyre wese, kia aõna aõna retybyke. ¹²Tule wesirahana rawerasemy roimyhỹre wese ibutu tyy retybmyhỹre, rawitxiradỹmyhỹre. Kai tahe xiwesehyy ahãte. Abede dỹnana tahe tiu itueòtyhy. ¹³Ýjuõ-ò Deuxu tiu rarybeõmyhỹre: —Bodonyke waruruna weribi. Aòludu mahãdu ako-txi resemyhỹkemy. Eòdumy rarekemy. Kiamy tahe tariõre-ò rarybere.

¹⁴Ibutumy ýju mahādu Deuxu deòdu rare tyytyby wesemy rare. Deuxu diteònyde ityhydýýdu mahādu wiòhedýýmy tule ibutumy biu-ò hedu mahādu wiòhedýýmy.

2 ¹Tai tahe, waseriòreboho, ityhyna rybe-ò rokoholarenyreki, tamy tahe rikimiyrenykre rikityhynyrenykre. Tai tahe iribi tiu ròkòirenyòtyhy.

²Ibutumy ýju rybe inatyhymy raremyhý. Ibutu òrarudu rimyre aòhòkýmydýýnana-ò irybe riywinyòreki. ³Kia inatyhy rare. Tarasana rybe wityhy-ò rokoholarenyòreki, timybo inyboho rikiòlònyrenyke. Kia rybe wityhy Wanyrý Jesuisile juhuu inydeereny relyyre. Idi tahe, ijohonadu mahādu tuu rarybere tule. ⁴Deuxu irybe myna rotýýnyre, ròbedeòbydýýnyre tai ròbedeòtiidýýnyrenymy tai Deuxu ruru ritýnyre. Tule Deuxu Tatytybytyhy iaòwidýýnami ixideewimy inymy riubýtýnyre.

⁵Ýju-dee aòkò bede riwahinyre-kia iòlòmý rarekremy. Jesuisi-ò kia riwahinyre. ⁶Juhuu inyò rybe txiòdýýnami rarybere: —Ritina-ki kia rybe roimyhýre: —Aòbo heka hàbu tyhy riòre rare? Tii aò aòkò rare. ⁷Ijó bededýýnanaò Deuxu riòre ýju-ribi tyhymy aòkò ihýre. ⁸Tahe wiji wowydyna tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihòrò aòkò òsana rare. Ibutu rurudu wese aòkò iny ruereny-ki rýire. ⁹Tahe inyboho Jesuisimy robirenyre. Tiile tuu ihýre. Urihimyò bede aòmydýýnana bedeu ýju-ribi tyhymy aòkò Deuxu tii relere aòhòkýmy dýýnana rimykremy. Tahe rurure. Rubu riurihire inyderòwyrenymy. Tai tahe rataana raheto wesena Deuxu tamy riwahinyre deàlàna-wana. ¹⁰Deuxu riwinyre ibutu aòna aòna ixidee. Tii kòkeki, bede ihoòhyymy roike. Tii ityhydýýdu mahādu ridymyhýre taloosònasy-ò, taijoimy. Tai tahe Jesuisi aòhòkýmy rotýýnyre Deuxudeewireki. Tarasana wydydumy heka wityhymy Deuxu delede aòhòkýmy rotýýnyreki, tai awityhymy ròhònykemy tarasadukemy. ¹¹Òbiti widýýdu tahe òbitina mahādu-wana wimahādu wese roire. Wiwanale sohoji tybyribile doidenyde. Tai tahe raixýruòlemy Jesuisi seriòremy rininire. ¹²Ritina-ki rarybere: —Ani aritýnynykre waseriòreboho-ò. Dohodýýna heto-ki àlànawiu-di adee ariwiunykre. ¹³Ijó Ritidýýna-ki rarybere: Tii arityhynyhyykre. Ijó: Kakile wahe watxireri, tule roire wariòre Deuxu diwawahinyde. ¹⁴Iwese ibutumy inyummy wiwesele roire wese, tule Jesuisi umyò rimyre, inyummy wesele, tai inywesemy rurukremy. Tai tahe rubu dinodumy rahaananyre, Diabo wahe. ¹⁵Kia rubu mahādu lau ruberumyhýre mahādu, ibrebu iribi ritare. Kia mahādu dori rububrebu deòduhyymy ihýrenyre. ¹⁶Ýju aòkò ritakemy namyhýde, Abraò riòre riòre ritakemy namyhýde. Tahe wiji tule ihýre. ¹⁷Iseriòre wese hyymy roirekemy ihýrenyre. Tii dori Deuxu Xiwena widýýdumy rarekemy inydeereny tai ruxetòena wahidýýdu òbiti tii ihýre. Ibutumy iny òraru òwydýýnami rýimyhýkemy. ¹⁸Ibutumy ixiradýýna mahādu tii riwiòhenanymymyhýre, ibutumy ixirana-di aòhòkýmy rotýýnymyhýreki.

3 ¹Tai tahe, waityhydÿÿdu seriðreboho, bohولاتyhyke Jesuisi rybe-ð: —Kaiboho dori tule bimibenykemy biu bede aòmÿsÿdÿÿna. Jesuisi iny ityhydÿÿna Xiwena wahidÿÿdu wedu tyhy rare tule inatyhyna deòdÿÿna tyhy tii rare. ²Deuxu tii riwinyre Xiwena wahidÿÿdu wedumy. Tai tahe tii ðbitimy riywinyre Moisesi riywinyre wese Deuxu sÿmahäduy-ki raaòmÿsÿdÿÿnymyhÿreu. ³Jesuisi-ð tahe sówemy wowydyna rawahikremy. Moisesi wowydyna ratyre rawowydynanykemy. Hetowidÿÿdu iny riwowydynymyhÿre, hetoratyremy. ⁴Ibutuheto iwidÿÿdu dire. Ibutu widyydu tahe Deuxu rare. ⁵Moisesi Deuxu heto-ki ðbitimy rybe riywinymyhÿre teòdu aòmÿsÿdÿÿnanamy. Tai tahe teòsidÿÿna ririre ijesenareki. Deuxu rybe tÿnydÿÿdu tahe Moisesi rare. ⁶Kristu tahe Deuxu sÿmahädu wedu rare Deuxu riðre rareki. Inyboho Inynyrÿreny-ð ròkðtyhydÿÿrenykeki tuu rokoirekre. Tai iny brebutererenymy iny raròsonareny inatyhymy rakatximyhÿrenykeki tahe Deuxu ijoi inyboho roire. ⁷Kiawesemy tahe Deuxu Tyytybytyhymy narybede: —Wiji tahe tamy boholarabenyke aworeny iòlududÿÿrenyömy. ⁸Judeu mahädu wesemy aòkò boibeke, tybyboho wesemy aòkò wahe boibeke. Tiiboho dori tamy rajòmomyhÿre bedero-ki Deuxu riurihirenyreu. ⁹Deuxu rarybere: —Aòbede wiwihikÿ rewinyre häre, alabiereny riwaitxenanyrenyre tamyreny watxireri iny inatxiwaitue bedramy aòbedewiwihikÿ riraòmÿhÿre. ¹⁰Tahe Deuxu rarybere: —Waky reamy tamy wãhäre. Tiu heka wawana ratxiòhyymyhÿre ryðbiti tamy retÿnynyre härele. Tawo-ki teòsahyymy ratximyhÿre. ¹¹Deuxu rarybere: Waky reatyhymy tai tahe ixidee resere, inatyhymy rarybere: —Tiu tiiboho elehyna bede-ð ralòðtyhy. ¹²Bexiijebenymy waseriðreboho uritere awo-ð ròtedÿÿömy raykyitxÿtena. Kia ðraru-ki aDeuxutyhy-ribi irehemy bexilòðrarienyheny aDeuxu tyhy dori irumy ratximyhÿre. Tii inatyhy rare. ¹³Txuò txuòlemy wii biòbitinybenyke. Òraruna dori itxenadÿÿdu nihikÿ rare. Tai tahe wiji kiamy botÿÿnybenyke. ¹⁴Deuxu rikityhynyrenyhyymy rakatxirenyke. Irybe rikiywinyrenykemy rakatxirenyke iwese juhu rityhynyrenyra wese. Kia wesekeki, Kristu leinamy rakatximyhÿrenyke. ¹⁵Kiawesemy tahe Deuxu Tyytybytyhymy narybede: —Wiji tahe tamy boholarabenyke aworeny iòlududÿÿrenyömy. Iwese ihetxiu mahädu riwinyre wese aòkò boibebenyke. ¹⁶Timahädubohe roholare Deuxu rybe-ð iribi tahe wimy raòludure. Kowa Egito bede-ribi doimyhÿde mahädu roire. Moisesi tamahädu-wana doimyhÿde. ¹⁷Mobohe Deuxu kyaradÿÿdure 40 wyra sówe. Kia mahädule bederahykile rexihure raðrarunyreki. ¹⁸Moòbo Deuxu rarybere taelehyna bede-ð ralòðtyhymy? Rybe ywisidÿÿdukòdu mahädu-ð rarybere. ¹⁹Inyboho tuu rieryrenyre. Rirònyrenyöremy rityhynyörenyreki.

4 ¹Deuxu juhuu rarybere: —Inyò taelehynabede-ð ralokremy. Inatyhymy heka aòmÿbo rarybere rÿire. Inyò òsana kaibohoò tamy rehemynyòtyhy rityhynyömyhÿrenyreki. Tai tahe bexityhynymyhÿbenyke kia-ð. ²Inydeereny

tahe Rybewihikỹ tỹmyra ròhònymy roimyhỹre, iwese Moisesi mahãdu-ò ròhònyre wese. Tamyreny tahe awityhymy aõkõ tamy rõhòtinymyhỹre rityhynyõhyymyhỹreki. ³Deuxu tyhydỹydu mahãdu ralòke taelehyna bede-ò. Deuxu dori rarybere: —Jiarỹ inatyhymy anarybede. Iny rityhynymyhỹrele tamy ralokre. Deuxu kiamy rarybere: —Taelehynabede tamy rewinyre xiery juhuu bededỹynana rewinyroireu. ⁴Inyboho rierymyhỹrenyre tii riraòmyhỹremy Ritidỹyna roireki: —Deuxu taelehyna-ki ele rihynyre debòinatxixu bededỹynanamy. Taaõmysỹdỹyna ibutumy rahure aõbo riwinykemy idi raremyhỹ riwinyre. ⁵Ijõ rybe tule kia-wana roire: —Tiu ralòotyhy waelehyna bede-ò. ⁶Tuu heka Deuxu rarybere inatyhy raremy. Ijõ mahãduò ralòmyhỹre Ijõ mahãduò ralòrenykre. Moisesi mahãdu tahe ralòore Deuxu rybe riywinyòreki. ⁷Wiji bededỹynanamy heka Deuxu rarybereri. Kia rybe rare iwese Davi rarybere wese: —Wiji tamy bohòlabenykeu, aworeny iòlududỹrenyõmy. ⁸Josue ridyre Moisesi mahãdu Suwitxiraõ-ò. Kasu tahe kabede aõkõ rare Deuxu elehyna bede. Deuxu idihyy tuu rarybemy ihỹre. Wijina ròtena bededỹynanamy Deuxu rarybemyhỹre. ⁹Tai tahe Deuxu mahãdu dee elehynasu bede roimyhỹre. Deuxu elehynatxu wese heka rare, iwese Deuxu debò inatxixu-di rexielehynyre wese. ¹⁰Iwese Deuxu raelehynanyre wese raelehynanyre inyboho taaõmysỹdỹyna-ribi, inyboho rukururenykre. ¹¹Awityhymy rokoireke tamy rikirònyrenykeny tule. Rekeixijerenyke. Deuxu rybe rikiywinyòrenykeki iwese judeu mahãdu wese rikirònyrenyòtyhy. ¹²Ibutumy Deuxu inydeereny rarybere iruru dire. Iwese mayrehe wiòtxureemy rỹrira wese Deuxu rybe rare. Inyrayky wydyna riòròmyhỹre, òhòti wydyna-wana. Mayrehe rayky riraynymyhỹre aõmybo inyrayky Deuxu ibutumy rierykemy. ¹³Ibutumy Deuxu rierymyhỹre inyraykyreny. Iny Deuxureny irumy ihỹre. Ibutumy aõna aõna tamy itỹnyhỹkỹle rare. Aõ heka iwasi aõkõ tamy rare. Ikonanau ilau ibutumy aõhebo iny rotỹnyymyhỹrenyre rikitỹnyrenykre.

¹⁴Jesuisi Deuxu riòre iny xiwenadỹydu tyhy rare. Tii rare biu-ò iny wiòhedỹymy. Tai tii rikityhynyrenyhymyhỹke. ¹⁵Tii iny aõkònareny rierymyhỹre; ixiradỹyna rierymyhỹre tai iny riruxetòenyre. Tii kabede-ki tiu heka raòrarunyõhyre, ixiradỹyna hàrele. ¹⁶Tai tahe rekexiterenymy rekexitòenyrenyke iny iòlòreny rynana-ò. Tai tahe ruxetòena sòwemy inydeereny kidiwahinykre. Bedeòbyna kidiòkre tuu rokorurenykre.

5 ¹Hãbuò Deuxu rimyre xiwena widỹydu mahãdu wedumy rarekemy. Tii ibutu iny deròwumy Deuxu-ò rybedumy raremyhỹ. Tii iny uriònosõna Deuxu-ò riwahinyre. Tule òraruna brò-ki xiwena tamy riwahinyre. ²Tii dori hãbu rare tamahãdureny-ò dori ywina-di ixi-ki ratxireri iòrarureny rierymyhỹreki. Imahãduò ibedeeryòre ijõ tahe reòsamyhỹre tiemy aõna aõna bina riwinyhyymyhỹre. ³Tai tahe xiwena riwahinyhyymyhỹre tamahãdu òraru-ki tule ixiòraru-ki. ⁴Inyò ixideewimy aõkõ xiwenawidỹydu raremyhỹ Deuxudeewi xiery tahe tuu rareke. Deuxu tamy rarybemyhỹrekile tahe tuu rỹike. Iwese Araõ-ò Deuxu rarybere tuu rarekemy. ⁵Tahe Kristu tule

reximyõhyyre xiwena widỹydu wedumy rarekremy Deuxu tuu rimymy rarybere: —Kai wariõre tate wijile kai inihe anatarã. ⁶Ijõ ritina-ki ijõ rỹire: —Kai xiwena wahidỹydu atximahãte urenana. Xideki xiwena wahidỹydu wesemy atximahãte. ⁷Jesuisci kaki raremyhỹu hãbu wesemy iruberytynymy rexitõdenymy reãlãmhyhỹre. Rahinymy riauamy Deuxu-õ rarybere. Tii heka Deuxu rityhynyre tai tamy roholare. ⁸Deuxu riõre heka tii rarehãrele tahe aõhõkỹmy rotỹynmyhỹre. Tai tahe rõeryre rybe ywidỹymy. ⁹Tii heka raõbitinytyhyre. Tai tarasana widỹydu rỹimyhỹre iywidỹydu ityhydỹydu mahãdu dee. ¹⁰Deuxu dori tii rimyre xiwena wahidỹydu wedu rỹirakremy Xideki wesemy.

¹¹Sõwemy tuu adee ararybekemy watzireri. Urile adee isirare ierysna, teeryõhymy taholamahãte. ¹²Kaiboho ihetxiu tetyhynytenyte. Tahe inyõ bibedeerynybenyke. Ihãre tahe teerynanyõhyymahãte. Ihymy textiõkesedỹnyta tai tahe inyõ anaernanykemy adi ratxireri timybo ityhydỹydu-ki tatemahãmy. Juhuu erydỹyna wahe. ¹³Tohouã howỹtõdu weselemy atximahãtenyte, ityhydỹydu aõmydỹynana teerytyhyõmahãtenyteki, rybeerysydu õbiti aõkõ atximahãtenyteki. Kaiboho taumynyõmahãtenyte iwese ityhydỹydu mahãdu rỹirawesekemy. ¹⁴Deuxu erysynatyhy inyummy rỹsõna wesemy roire. Aõbinahakỹ aõwihikỹ erysyduõle kia rỹsõna roire, tiiboho dori rierymyhỹre aõbo awire aõbo ibinare, tuu rotỹnyrenyre aõbo awireki.

6 ¹Tikiemy juhUU Kristu rybetyhynamy araernanyamahãre. Rekexitõmonyrenyke. Iwixira erysna rikieryrenykeny. Tai tahe rakaumynyrenyke ityhydỹydu tyhymy ityhydỹydu rurudỹyna-di. Inyõ rarybemyhỹre. Iny raõbitiny my ratxike xiery iny ratakeny ihỹre. Kia aõmydỹynana reerydỹynanyõkre tahe. Iny rityhynmyhỹkekile iny ratake. ²Ratisebenamy heka anaernanyõkre, tule debõlidisinamy, tule rubu-ribi ixixanamy, tule bedẽ konana ritxuakre txumy ibutumy heka tuu ararybeõkre. Tii heka juhUU erydỹyna rare. Kaiboho dori teerytenyte. ³Wanyrỹ dee wikeki tahe iwixira erysna heka ariwiuronykre. ⁴⁻⁶Inyõ biu-ribi loosõna wãhidỹyna riurihimy ritakeki. Deuxu Tytybytyhy aõmydỹynamy ijõ ritake wana, Deuxu rybe riurihike wana, kowa bedẽ wihikỹ ruru rieryke wana. Tii ibutukeki tahe Deuxu-ribi tahewo-õ dõõsede inatyhyna ririre. Isiratyhyhyyre ixityre rõte taõraruna Deuxu-õ relyyõtyhy. Tii dori Deuxu riõre ixityre itxeõnihikỹ-ki ritidire, inyru-õ ritidire ibinamy rarybemyhỹre. ⁷Biu heka suõ risebenymyhỹre. Owõruty iribi ritxuhudỹynmyhỹre tõbõrõdỹydu-õ. Aõratybo raratynykeki tahe Deuxu bedẽbydỹyna kia rare. ⁸Tahe edewewēju kidiwahinykeki, awiõre heka inydee kia sumy ibinamy rarybere. Urile roomyhỹre. Kia suu tahe iny ityhyna ririre mahãdu wese rare.

⁹Kiawese jiarỹ urile rarybereri. Ihãrele tuu aõkõ umyreny rahõtinyreri. Inatyhymy rahõtinyreri kaiboho aõ õbiti tewinymahãtenytemy. Iwese tarasana mahãdu wesekemy kaiboho ahãtenyte. ¹⁰Deuxu dori õbitityhy rare. Kaiboho tamy taaõmysỹdỹynihikỹmahãtenyte tai aribireny tõhõti rosaõtyhy. Iwese Deuxu-õ aluunareny teteõsinyta wese ityhydỹydu seriõre

tewiòhenanytenyteki ihãre tadiwiòhenanymahãte. ¹¹ Wiluu hyymy boibeke bede dÿÿnana konana-ò. Tuu raruhyymahãre. Tule iny raròsònareny-di mohòtinybenyke. ¹² Tai tahe ityhydÿÿdu aomydÿÿna irisirenyõmy boibeke. Òbiti widÿÿdu iele ele aõkõ rare. Rityhynyeri Deuxu wahisidÿÿna ritakremy iwese Deuxu rarybereki. Kaiboho òbiti widÿÿdu mahãdu wesemy ahãbenyke.

¹³ Deuxu Abraõ-ò rarybereu, inatyhymy ixideele rarybere. Inyõ dori Deuxu ratyremy ratxiõmyhÿre. ¹⁴ Kawesemy rarybere. Deuxu tiemy ixirybe riwinyhyymyhyre Inatyhymy anabedeòbnykre, idi anaixijuradÿÿnykremy tai ariokoreõ rasõwekremy. ¹⁵ Tahe Abraõ riraõmyhÿre, raeleleõmy. Idi Deuxu tarybe myna rotÿÿnyre. ¹⁶ Inatyhymy aõmy inyõ rexirybenykreu aõmy rarybekre. Kai tahe aõ ijyy riixãwididÿÿnymyhyre. ¹⁷ Deuxu tule ixidee rexirybedÿÿnyre inatyhy rybe-di. Tai rybe tarasadu mahãdu rierymyhÿre Deuxu rawitxiranyõtyhy. ¹⁸ Inatxi aomydÿÿnana iny rieryreny. Deuxu rarybere-wana tiu raruiõtyhy. Tai tahe inyboho inyararòsònareny rimymyhyre. Iny ixiwòtena-ò ralõmyhÿre tarasana-ò ralõmyhÿre wese. ¹⁹ Inywo-ki inyrayky wiòhedÿÿdu ijõdire hãwòjura rimymyhyre wese iny roire Jesuisi koludu wesemy inydeereny ralõmyhÿre wesirahana webòrò-ribi, Deuxusÿ wahe. ²⁰ Jesuisi juhuu ralore tai. Tai tahe Jesuisi Xiwena wahidÿÿdu wedu rÿihyckemy Jesuisi tahe Xideki axi weseõ xiwena wahidÿÿdure.

7 ¹ Xideki tahe Salê hãwã lòlò rare. Deuxu Tyhydÿÿdu Xiwe wedu rare. Abraõ heka aõbina ritara. Xideki ròhònyre itxi reakemy, tahe ribedeòbyrybedÿÿnyre. ² Tai Abraõ tamy riwahinyre ibutu aõbina aomydÿÿna-ribi, debòwiò-ribi sohoji riwahinyre, Xidekini tahe òbiti lòlò rare iwitxira rybe-ki. Salê hãwã lòlò tahe ywina nodu rare iwitxira rybe-ki. ³ Tybyõre, iseõre, isÿõre. Tii heka itxu ròhònyõhyre tule bedekonanaõhyre. Tii heka Deuxu riõre weselemy ihÿre. Tii Xiwena wahidÿÿdu urenana ratxihyymyhyre.

⁴ Kaiboho mohòtinybenyke timybo tii aõnityhymy raremyhÿdi. Abraõ inytybyreny tamy diwahinyde: debòwiò aomydÿÿna-ribi sohoji tamy riõre. lòlò taòludu aõbina aõbina aomydÿÿna-ribi tamy riõre. ⁵ Xiwena wahidÿÿdu mahãdu Levi sÿriõre mahãdu-ribi doidenyde. Tamy bede ywina riywinymy riteõnyre debòwiò-ribi sohojina ritakemy iny-ribi. Taijoityhy-ribi. Tii boho dori Abraõ sÿjioiluduò tule roire. ⁶ Xideki tahe Levi sÿjioiludu aõkõ rare. Ihãrele tahe Abraõ tamy debòwiò-ribi sohojina riwahinyre. Xideki tahe bedeòby rybe-di heka Abraõ rirybedÿÿnyre. Abraõ juhuu ityhydÿÿdu rare Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy? ⁷ Bedeòbmy rybedÿÿdu aõnityhy rare. Moòbo rarybemyhÿre ratyre aõnityhy rare. Ibutumy kia rierymyhÿre. ⁸ Levi xiwedÿÿdu mahãdu hãbumy ituerenyre. Xideki tahe ruuõhy ihÿre. Kia ritina-ki roimyhÿre. ⁹ Levi debòwiò-ribi sohojina tarasadu rare. Ihãrele tahe Abraõ teròwmy debòwiò-ribi sohojina riwahinyre. ¹⁰ Levi dori natibienyõde, ihãre Abraõ-ki ratximyhÿ iu witxi Xideki-wana witxi reareu.

¹¹ Bede ywina rybe xiwedÿÿdu mahãdu-wana iny rataõtyhy. Tai tahe iwitxira xiwe wahidÿÿdu inyboho rijemãhãreny. Araõ ijoi ribi aõkõ nade,

Xideki nade wese tahe Kristu nade. ¹²Xiwena aõmydÿÿnana rawitxirakeki, tule rybe bede ywina rawitxirake. ¹³⁻¹⁴Inynyrÿ tahe Levi xiwewahidÿÿdu mahãdu-ribi aõkõ nade. Tii Juda mahãdu-ribi nade. Tiiboho heka tiu xiwewahidÿÿdu mahãdu-ki riwìhedÿÿõhyymhÿre. Moisesi dori tamy kia aõmysÿdÿÿna riwahinyõre. ¹⁵Kristu iwitxira xiwewahidÿÿduõ rõhõnyre Xideki wesemy raremyhÿ. Tuu heka teerytenyte. ¹⁶Tii heka bede ywina rarybere wesemy aõkõ nade. Tahe iwitxi rare. Tii umy witxira tuedeõna-di nade. Kia ruru òraru-ki nade. ¹⁷Rybe riti-ki rÿire, Kristumy rarybereu: Kai xiwewahidÿÿdu mahãduõ tate Xideki wesenamy ahãte. ¹⁸Aõmydÿÿna tyby rawitxiradÿÿre awimy aõkõ dori rare. Irurudimy aõkõre dori rÿire tarasana wiðhedÿÿmy aõkõ. ¹⁹Kia iny riðbitidÿÿnyre aõkõ. Wiji tahe raròsõna wihikÿ rõhõnyre inydeereny Kristu dori Deuxu-ò inatyhymy iny ridymhÿre. ²⁰⁻²¹Deuxu rexirybedÿÿnyre inatyhymy Kristu xiwena wahidÿÿdumy rarekemy. Tahe iwitxira xiwenadÿÿdumy aõkõ kiawese narybede. Kristu-ò tahe Deuxu rarybere: —Deuxu rexirybedÿÿnyre. Tiu rawitxiranyõtyhy arybe. Kai xiwena wahidÿÿdu atximahãte urenana. ²²Tai tahe Jesuisi riðludunyre wijina aõmydÿÿnana tÿmyra. ²³Xiwedu sówekemy idi rõhõtynymhÿre, ijõ rurumhÿreki. Ijõ tahe teròwymy ralòmyhÿre. ²⁴Jesuisi tahe xiwena wahidÿÿdu mahãduy-ribi rõhõnyõtyhy. Kristu tahe aõu aõu ratxihymy rarekre. Tai ixuwe òlòdÿÿnamy aõu aõu iweselemy rarekre. Ijõ-ò tiu raõtyhy. ²⁵Tai tahe moõ Deuxu-ò Kristu-di kanakeki, tii tahe Jesuisi ritalekemy ratximyhÿre. Tii dori Deuxu-ò inydeereny rexitòenyhyymhÿre.

²⁶Tii dori iny deròwymy rarehyymy rareke Deuxu sÿdee. Jesuisi biu-ki rononymhÿre Deuxu-wana. Sÿwihikÿ worana bedehesina-ki rononymhÿre urenana. Tai tahe tii xiwenadÿÿdu wedumy inyboho rurumhÿrenyre. Tii òbiti rare, tyrare, iðraruna-ki aõkõ, òrarudu mahãdu-ribi hitximy. ²⁷Xiwena wedu txuõ txuõlemy xiwena diwinymhÿde juhuu taðraru hetydÿÿnamy riwinymhÿre idi tahe ibutumy inyðraru hetydÿÿnamy riwinyre. Jesuisi kia Xiwena wedu wesemy aõkõ ihÿre. Tii xiwena wahidÿÿdu mahãdu-ribi lahitxi rare. Sohojihyy dori xiwenamy rexiwahinyre rubu-ò ikonana xiwena wahe. Tii txuõ txuõlemy aõ rubu xiwe wesemy riwahinyõre, iwese iwitxira xiwedÿÿdu riwahinyre wese. Juhuu taðraruna òraru-ki raxiwenyre idi iny òraruna òraru-ki raxiwenyre. ²⁸Bede ywina hãbule ritidire xiwena wedukremy. Hãbu tahe iruruõre idi tahe sohoji rybeõtyhy bede ywina hewomy nade. Kia tahe Deuxu riðrele tuu risÿnyre, tii òbitityhyreki.

8 ¹⁻²Kiamy heka jiarÿ rarybere. Kia awese iny xiwena wedu ijõdire. Iòlò tarynana-ki rononymhÿre. Jesuisi tahe Deuxu ruruna-ribi ronyre. Iheto-di itxeredu tahe Jesuisi rare. Deuxusÿle iyrubudÿÿdu rare. Kia hãbu aõkõ riwinyre Deuxule riwinyre. ³Kristu iheto raroowo-ki Deuxu deewina riwinymhÿre. ⁴Kristu kabede-ki ratxikeki tii xiwena wahidÿÿduõmy aõkõ ratximyhÿke. Kabede ludu dori bede ywina rybe riritinymhÿre wesemy riwinymhÿre. ⁵Tiiboho biu aõmydÿÿnana wesemy urihimyõlemy aõna aõnamy rotyynymhÿrenyre.

(Deuxu Moisesi-ò riteòsinyre aõwesemybo teàlana heto-ki raremyhỹ. Tai tahe Moisesi riwinykemy timybo riteòsinyre wesemy hãwãlò raty-ki riteòsinyre.)
 6 Kristu tahe iwitxira aõmysỹdỹna iaõmysỹdỹnare. Bede òtiidỹna urenana heka Kristu aõmydỹnana ròimyhỹre bede ywina widỹdu aõmydỹnana ratyremy ihỹre. Kristu tahe bede ywidỹna tỹmyra riwinyre Deuxu iny-wana heka widee rilorore. Deuxule rarybere tahe juhoo-ribi awityhyre irybe. 7 Juhoo bede ywidỹna awi aõkõ rare. Awikeki tahe ijõ tỹmyraõ ròhònyòtyhy. 8 Deuxu dori ihetxina-ki tamy awimy aõkõ ihỹre. Kawesemy dori rarybere: —Txuõ kanakreu tahe, bede ywidỹna tỹmyra aritobinykremy Juda sỹmahãdu-wana judeu sỹmahãdu-wana. 9 Bede ywidỹna tỹmyra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidỹna tỹmyra-ò rieryõre. Tai riywinyõre bede ywidỹna. 10 Kiawese bede ywidỹna tỹmyra rarekre, Wanyrỹ Deuxu rarybere: —Wabede ywina iraykywydyna-di ariritinykre iwo-ò aritidikre wabede ywina. Jiarỹ iDeuxumy ararekre, tule tiiboho wasỹ ijoimy roirekre. 11 Kia txuõ rahukredi tahe ibutumy riwaerykre tasõmo-wana, tanihikỹ-wana. Tiu wii rierynanyòtyhy Wanyrỹ Deuxumy. 12 Ruxetõena tamy ariwahinykre taðrarutedenamy. Iòrarureny ibutumy wanohõti iribi rosakre. 13 Bede ywidỹna tỹmyramy Deuxu rarybereu, ihetxina retybyra raseruserunyra. Taita awiõra heka.

9 1 Juhoo bede ywidỹna-ki bede rybe ritina rỹimyhỹre Deuxu-ò deàlana timybo rawahinykemy. Tule rỹimy raremyhỹ tykyheto bederahy-ki.
 2 Iwo-ki inatxi rareamy rỹimyhỹre. Juhoo irareasana-ki Deuxu iòhõnasỹ heka inire iwo-ki tahe adỹỹ loosõna rỹimyhỹre. Tule tii paõ brebuna deõtena òwòrubesetyre-ki rỹimyhỹre. 3 Tyky ijõtòbõna hewo ludu rareasa tahe Deuxu sỹle inire. Òkòsy nihikỹ rihitxinyre ijõ-ribi. Tule tahe òwòruwodỹỹò rỹire womati tỹrỹrỹhỹkỹle ihetyre. Iwo-ki tahe xiwena deõtena. Tai riwosinymyhỹre tỹnyre reakemy. 4 Òwòrudỹyráwo-ki tahe womati tỹrỹrỹhỹkỹ butxi riòre ibòbese-di rỹire, iro-ki ihina rỹire mana ta irybereny-ki inire. Tule Araõ hoju rỹimyhỹre tai ruhunymy raremyhỹ. Tule bede ywidỹna riti mana tyre-ki tai roimyhỹre. 5 Tule iratyy tyre-ki rỹimyhỹ yju ritxoo inatximy. Teubrorodile tahe riwòmyhỹre. Òwòru wodỹỹ ratòbõna tikibo Deuxu iny òraruna riixãwidỹnymyhỹre wahe. Tahe tuu rỹbeõnyrenykre kia aõmydỹnana tai rỹiremy. 6 Kia ibutumy rexihureu xiwena wahidỹdu mahãdu ralòmyhỹre juhoo rareasanawo-ki taaõmysỹdỹna tyhy widyymy. 7 Ithewoludu rareasana-ò iwedule ralòmyhỹre. Beõra bededỹnana sohojimy sohojile tamy ralòmyhỹre. Iròdu riwymyhỹre ihãlubu ritxiwikemy xiwenamy. Taðraru-ò iny witxira òraru-ò tule. Inyòraru-ki tii mahãdu aõna aõnamy rotỹnyrenyreny rexieryrenyòhyylemy, kiabro-ki. 8 Deuxu Tyytybytyhy kia ijyy-di iny ribedeernymyhỹre. Juhoo tyky heto rỹireu, inybohoõ heka Deuxu iòlõnasỹ-ò ralòomyhỹre. 9 Kia heka wijina bedeernare. Juhoo dori xiwena witxira witxira wahidỹna witxira witxira uriõno rare. Kia urile iwahidỹdu iwo irayky-wana riòbitinyòhyre. 10 Juhoo ludu aõmydỹnana bede ywinale rare. Rawitxirakekile tahe ròhònyke. Tii tahe

rÿsÿna bede ywinamy rare, monatyhy bede ywinamy, aõna aõna surona bede ywinamy. Iny kia bede ywina ibutumy rityhynykemy rÿimyhÿre.

¹¹Kristu dehemynde, iu tahe rawitxiradÿÿre. Kristu Xiwena wahidÿÿdumy ratximyhÿre. Tai tahe ibutumy rawitxiradÿÿmy roimyhÿre. Tii ralõmyhÿre tyyheto tÿmyra-ò. Itÿmyra tahe biu-ki rare. Kabede-ki aõkõ ihÿre; hãbu iwidÿÿdu aõkõ rare. ¹²Kristu ralore Deuxu Tyytyby sÿnawo-ò tahãlubu òrarukile ralore. Sohojihyyle ralore iny tarasanarenymy inydeereny riwahinykemy. Iròdu hãlubu-di aõkõ ralore, broreni riòre-di aõkõ, budoeni hãlubu aõkõ wahe tahãlubudile. Tai iny tarasanareny rimyhÿre. ¹³⁻¹⁴Juhuu budòe broreni Oriòre hãlubu-di raxiwenanyreny. Broreni bryby riubÿtÿnyre iny tyre-ki iaõsusu-ribi rahòkemy. Juhuu xiwena iny taòraru-ribi risuhòkeki, iratyre tyhy Kristu hãlubu iny risuhòke. Tai iny raykybina bina ritamyhÿre tule inywo aõ aõkõ rare, ritamyhÿre. Idi tahe iny Deuxu irumy ratximyhÿre dee wimyri kiwinyrenkre. Tii òbitimy ihÿre iny dee rurureki. ¹⁵Kristu tahe bede ywidÿÿna tÿmyra wedu rare. Tai tahe ibutumy bede ywidÿÿna tÿmyra mahãdu namyhÿde ibutumy aõmybo rarybere ritakemy. Tii dori rurure iny òrarureny dire-ki ihetxiu bede ywina aõmydÿÿnana rÿimyhÿreu, tii rubu-ò rexiwahinyre. Tai inyboho òraruna-ribi rexitarenre. ¹⁶Inyò rurumyhÿre-wana tii iny dee ritinaò ririmyhÿre kia ritina rarybere: —Moòbo taaõna aõna riwahinymy ririkre. Iny rururemyhÿre xiery tahe, ritina awi rare. ¹⁷Kia ritina aõ aõkõ rare iwidÿÿdu tyhy irumy ratxikeki, rubumy roimyhÿrele ritina aõ rare. ¹⁸Tai tahe juhoo bede ywidÿÿna ijõ hãlubu txiwixina dire. ¹⁹Moisesi Deuxu bede ywina wahidÿÿ rahudi, tii bede ywina tyre ritxiwire, iny ratytyre riubÿtÿnyre budoeni hãlubu-di broreni riòre hãlubu-di bewana riurinymy riubÿtÿnyre. Tule budòe siratykysò-di riubÿtÿnyre. ²⁰Iu tahe tuu rarybere: —Kia bede ywidÿÿna tÿmyra hãlubu rare. Deuxu wadee rarybere kaiboho bityhynykemy. ²¹Tule tykyheto-ki hãlubu riubÿtÿnyre deãlãna aõmydÿÿnana-ki ²²Bede ywina rybe ditÿnynyde ibutumy hãlubu-di risebenyre, hãlubu txiwixina ihoòkeki òraruna rexihuòtyhy.

²³Kabede aõmydÿÿnana biu aõmydÿÿnana wesele rare. Tai tahe Kristu tahãlubu-di kia ibutumy risuhore. Tai iratyre tyhymy ihÿre. ²⁴Kristu heka templo hãbu widÿÿna-ò ralòore. Kia tahe inatyhy heto aõkõ rare. Biu-ò Kristu ralore Deuxuko-ki kia tahe isÿtyhy rare. ²⁵⁻²⁶Tii sohojihyyle heka rare iny òrarureny riixãwididÿÿnykemy rubu-ò rexiwahinyre. Xiwena wedu wesemy aõkõ ralòre. Kia xiwena wedu aõu aõu beòralemy hãlubu-di rara xiwemyhÿre. Kristu tahe sohoji hyyle rubu-ò rexiwahinyre. ²⁷⁻²⁸Iny rurumyhÿre sohojihyylemy idi tahe Deuxu ywisidÿÿna hitxinatxu kanakre ibutu iny. Kristu rurure sohojile sòwemy iny òraru ixityre riatykemy. Inyò tamy retehemy riraòmyhÿre wana, tamy ixityre kanakre òraru ixãwididÿÿnany iny tarasanarenymy.

10 ¹Juhu bede ywina rybe urihimyòle iny ribedeerynyre Kristu aõmydÿÿnany. Bede ywina itÿnytyhymy aõkõ iny dee roire aõmybo Kristu inydeereny riwinykre. Ubòròrna wesemy inydeereny dobehede bede

ywina. Tai tahe tiu iny riòbitinyõtyhy xiwena-di reamyhÿre beòra ihyymy aõkõ. ²Aõkõkeki beòra beòrau idi reaõtyhy. Aõkõkeki sohojihyylemy xiwena riwinykre. Sohoji bede dÿÿnanadile iòrarureny rexihuke. Tahe aõkõre beòra ihyymy aõkõ xiwena-di reamyhÿre. ³Tai tiemy òraru-di hyy heka röhõtinymyhÿre. ⁴Broreni hãlubu, budoeni hãlubu òraruna rahuõtyhy. ⁵Tai Kristu kabede-ò dehemynydeu, rarybere: —Deuxu, broreni hãlubu budõe hãlubu adee awimy aõkõ ihÿre. Tai tahe waummy teywiny my ahãte axiwenamy aroikremy. ⁶Kai heka awimy tai tahaõhyte irõdu hãlubu xiwena-ki òraru tuedenamy. ⁷Tahe jiarÿ rarybere: —Betehe inihe waummy rubu-ò rewahinyraò iwese ritidÿÿna rybe roimyhÿre wesemy, adeewina ibutumy arityhynykre wahe. ⁸Tai Kristu juhuy rarybere: —Deuxu, broreni hãlubu budõe hãlubu adee awimy aõkõ ihÿre. Tai tahe waummy teywiny my ahãte axiwenamy aroikremy. Kai heka awimy tai tahaõhyte irõdu hãlubu xiwena-ki òraru tuedenamy. Kia rarybere bedeywina rybe hãrele. ⁹Tahe ixityre rarybere: —Deuxu kakile watrixeri adeewimy ariwinykemy. Juhuy bitake xiwena ihewoludu ritidikemy, Kristu xiwena wahe. ¹⁰Kristu rurure iny òraru-ki. Ixiwena sohojilemy rÿire tuhyy ramyhyre Deuxu deewina wahe. Kabede ywidÿÿna tahe itÿmyra ihÿre. Tai tahe iny riòbitidÿÿny hyy rarekre. ¹¹Xiwedÿÿdu txuò txuõlemy rixiwenanymyhyre. Tii tahe tiu inyòraruna ritaõtyhy. ¹²Jesuisi tahe sohojihyylemy òraru xiwena riwinyre. Iny òrarunareny riixãwidiny my rahudi Deuxu rurunawe-ribi ronyre, riwowydiny myhyreki. ¹³Tahe Kristu riraõmy ronymyhyre. Taòludu ruru iribi ritakemy tawarawo-ò Deuxu ritidikemy. ¹⁴Jesuisi dori sohoji xiwehyy-di, iny riòbitidÿÿnyhyymyhyre. ¹⁵Deuxu Tyytybytyhy tule kiamy rarybere. Kiawese ritidÿÿna roire: ¹⁶—Kiawese bede ywidÿÿna tÿmyra rarekre. Wanyrÿ Deuxu ijõmy rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe. ¹⁷—Idi ixityre rarybere: Ruxetõena tamy ariwahinykre iòrarutuedenamy. Iòrarureny ibutumy wanohõti-ribi rosakre. ¹⁸Òraru wanohõti-ribi rosareu, idi rehureu, tiu xiwena rÿiõtyhy tuu rahukemy. ¹⁹Katahe, waseriòre, rekexiuwaresemy rikirõnyrenykre Deuxusÿ-ò. Tamy rekexitõnyrenykremy Jesuisi hãlubu dejuxuna òraru-ki sohojile rikirõnyrenykre. ²⁰Jesuisi dori rytÿmyra riraynyre Deuxu-ò wesirahana yra-di ralòkemy. (Iwese xiwedÿÿdu wedu ralòmhyhyre wese, inyboho wiji ralorenkye.) ²¹Tule iny xiwe wahidÿÿdu nihikÿ ijõdirenny Deuxu heto-ki. ²²Tai rikitehemynyrenykre inyraykytyhy ywinakemy inatyhynatyhymy õbitinatyhymy nohõtomy, rati betyhy ixãwina-di sebena-di inyumyrenny. ²³Inatyhyna rikiyrubunynyrenykre inyararõsonareny wahe. Aõbo Deuxu inydeereny riwahinykemy rikiraõrenyke. Tii dori inatyhy rare. ²⁴Tule widi røkõhõtynyrenyke wiluurenymy rakatxirenkyemy wiwiõhedÿÿmy rakatxirenkye. ²⁵Uritere ixihitxidÿÿõmy tamy beahyy rakatximahãrenyke. Ijõ dori dohodÿÿna-ò noderamy reamyhÿre kia awi aõkõ rare. Inyõ ryribi rexidõarieny myhykeki, tamy rakarybemyhyrenyke kòdòðsekemy ixby. Inynyrytxu dori iòhõmy resera. Tai tahe sõwemy røkõteòsidÿÿnymyhyke. ²⁶Iribi inyboho inatyhyna ibutumy riereny my rahudi, tahe kia hãrele heka òraruna-di rariamyhykeki, òraruna xiwena roiõmyhyre inydeereny

iny òraruna tarasana wahe. ²⁷Kia-ribi tule brebu r̄ymyh̄re Deuxu ywisid̄ȳnatxu lau. Deuxu heòty ratyrad̄ȳdu lau ruberumyh̄re. Kia Deuxu òludu rahukemy r̄ymyh̄re. ²⁸Ruxetòena-di aòkò inyò rurure Moisesi bede ywina riywinyòreki. Itxeredu inatxi ada inataò-di aòbo raryberenykemy. Tai rirubunyre. ²⁹Kia-di dori mohòtinybenyke. Inyò Jesuisi rybe-di risinykeki, iratyremy ibinatyhymy rarekre tamy. Tii sòwetyhymy aòhòk̄my rot̄ȳnykre ibutu ratyre. Inyò Deuxu Tyytybytyhy ruxetòena aò aòkòmy idi ròhòtinyre ibinamy tuu rarybemyh̄re. Jesuisi hālubu aò aòkòmy idi ròhòtinyre ibinamy tuu rarybemyh̄re. ³⁰Deuxu kia rarybere: —Txìdhe iny òwyd̄ȳdu jiar̄ rare. Inymy jiar̄le arexiòwynykre. Inyboho rierymyh̄renyre kiamy rarybemyh̄re. Tii kiawese rare. Tule ijòmy rarybere: —Inynyr̄le tajoi-di ywisid̄ȳna-di riywisid̄ȳnykre. ³¹Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

³²Juhuu Kristumy teertytenyete, awimy heka ahātenyete. Kia-ribi òhòti losarenyòmy. Kristu òraru-ki aòhòk̄my tat̄ȳnytenyete. Ihārele tahe Kristu-wana hyy toitemahā. ³³Inyò umyreny robireu, tai akireny rutxuenyete, tule akireny òhòte itamad̄ȳnyre. Ityhyd̄ȳdu seriòre mahādu inyò aòhòk̄my ris̄nyre, kaiboho tewot̄denytenyete. ³⁴Inyò ròtenawo-ò ridykeki tai tewot̄denymahātenyete. Inyò ahòrò-di rawasinyre, urile teysate. Ahòrò dori iratyre sòwemy r̄ymyh̄re biubede-ki. Tai aòna aòna tiu rabinaòtyhy. Kia teerymahātenyete. ³⁵Uritere araròsòna-ribi awo xierysyòmy. Kai dori uriòno nihik̄y bitakre. ³⁶Ywinihik̄y-di heka rokoireke Deuxudeewimy rikiwinyrenykemy. Tai aòwihik̄y-mybo Deuxu rarybere, rikitarenykre. ³⁷Ritinamy tahe r̄yre: —Txìokre inihe. Urihimyò biraòke. Kia kanakre inatyhymy. Tii raroorehenyòtyhy.

³⁸Waityhyd̄ȳdu mahādu òbiti iruhymy r̄yirake, riwatyhynyreki. Inyò tahe ròðsekeki tamy wadeysaòtyhy.

³⁹Inyboho heka tahewo-ò òkòsedu aòkò roire. Ityhyd̄ȳdu dori roire, iruhymy nodu, biu-ò hena mahādu wahe.

11 ¹Aòbohe ityhyna rare. Aòna aònaò iny inatyhymy riraòmyh̄re, kia tahe ityhyna rare. Inatyhymy dori kanakre iny rierymyh̄re, iny tuu robiòlemy. ²Ihetxina mahādu Deuxudeewimy tuu ih̄re, rityhynymyh̄reki. ³Juhuu Deuxu aòna aòna bede bedemy riwinyre. Iny inatyhy hynale kia rierymahārenyete. Deuxu lobixiòna-di ibutumy aòna aòna riwinyre. Idi tahe lobixinamy ròhònyre iny itxerenarenymy. Deuxu rarybere. Tai tahe aòna aòna ritxienyete. ⁴Taityhyd̄ȳna òraru-ki Abeli Xiweò riwahinyre Deuxu-ò. Kai xiwed̄ȳna ratyre tamy riwahinyre. Abeli rityhynyrekile riwahinyre, tai tahe Deuxu reysare, òbitimy rareki. Tai ixiwed̄ȳna Deuxu riwyre. Abeli tahe rurure. Ihārele, iwese tii ityhyna-di raremyh̄ wese rokoireke. ⁵Enoi tatyhyd̄ȳna òraru-ki tiu ruruòhyre. Enoi Deuxudeewimy riwinyre tuu Deuxu juhuu rarybere. Aòwesele iòmy reare. Deuxu ridymy reare. ⁶Inyò

ityhynaõkeki, tiu Deuxudeewimy aõ iwidỹyõna. Inyõ Deuxudee iõhõmy ratxikeki, tii rityhynymyhỹke inatyhymy Deuxu-wana ihỹre. Deuxu dori tamy rexideõsinykemy ratxireri. ⁷Noe tule ityhyna dire. Tii hãwõ nihikỹtyhy riwinyre. Aõhebo rotỹnykremy robiõhyyre. Ihãrele tahe Deuxu rybe rityhynyre. Tai tahe tasỹ mahãdu ritare rubu-ribi. Bedeludu mahãdu tahe rurure. Noe tahe Deuxu riõbitidỹnyre, ityhyna òraru-ki. ⁸Abraõ tule Deuxu rityhynyre. Deuxu ijõ bede-ò diteõnydeu, Abraõ irybe riywinyre, rare tajoi-wana. Deuxu tamy rarybere suõ tamy rihitxinykemy isỹmy. Tai Abraõ rexitare, rare ihãwã bede ierykõna-ò. ⁹Ityhyna-di rasỹnyre kia bede-ki. Tyky heto-ki rahetonymyhỹre iwese ijõ bedeludu wixira mahãdu rahetonymyhỹre wese. Ibede rarehãrele tahe ihõrõmy aõkõ rõhõtityre idi tuu aõkõ rexinohõtityre. Tariõre Ijai, Ijað-wana rasỹnyre. Tamy tule Deuxu rarybere iwese tyby-ò narybede wesemy. ¹⁰Abraõ tahe hãwãõ riraõmyhỹre. Deuxu widỹyõna hãwã biu ludu-ki. Kia hãwã Deuxu nohõti-ribi nyide. Kia hãwã dori tiu rabinamy rejuxunyõtyhy ihetotira kyhyna direki. ¹¹Sara ityhyna dire. Tai ruru dire uladusemy ronykemy ibeõra sõwere hãrele. Tii tahe rityhynyre tuu raryberemy. ¹²Sara iõhõmy irubu roire rasenadunyreki. Ihãrele tahe sõwemy rariõreriõrenyre. Iwese taina rudera wese, ynyra sõwewese.

¹³Kia heka ibutumy rityhynymyhỹre. Idi tahe ituerenyre aõ heka rimyõre Deuxu rybe lidisinaõ. Ireheribile tuu robirenyre; reysarenyre. Tiiboho rarybemyhỹrenyre kabede ludu mahãdu aõkõ raremy, isỹreny mahãdu aõkõ raremy. ¹⁴Tii heka rarunymyhỹre sỹwihikỹmy tai raerymyhỹre tuu rarybereki. ¹⁵Tamy wikeki riõkeserenyra inihe tahe aõkõre, noderare. ¹⁶Wiji tahe tii sỹwihikỹmy biu-ki rarunymyhỹre. Tii dori ijõ ratyre rare. Deuxu isỹ wihikỹ riwinyre tai tahe inyõ iDeuxurenymy rarybekeki, tai Deuxu tiu raixỹruõtyhy.

¹⁷Deuxu Abraõ urihixina-di reareu riwahinyre Ijai xiwenamy. Tariõre sohoji riywinymy rỹire xiwenamy rurukremy. Tii Deuxu rybena-ki iriõre rarehãre. ¹⁸Deuxu dori juhuu rarybere: —Ariõre Ijai ariokoretybimy rarekre. ¹⁹Abraõ rieryre Deuxu iruru dire rubu-ribi riixixadỹnyke, tii Deuxu rityhynyreki. Abraõ dori rõhõtityre rawasenanyre. Ijai juhuu rubu-ribi ixixa wesemy reare, raumynyre. ²⁰Iribi tahe Ijai tyhyna-di rarybere Ijað dee, Ijau dee aõbo kabede-ò kanakremy aõwihikỹ wahe. ²¹Iribi tahe tule Ijað rarybere Jyje riõre dee, tariokoreboho-ò. Ityhyna-di rarybere. Ijað iõhõmy rubu-ò ihỹre, õwõru-ò reximymy rariamyhỹre. Tahe õwõru-di rexilamadỹnymy rỹire rexitõenykemy Deuxu-ò, riwowydynyremy wahe. ²²Iribi tahe tule Jyje iõhõmy rubu-ò ihỹre. Tule ityhyna-di rarybere judeu ijoi Egito bede-ribi kòdòhònykemy. Tule tahe tarybe ririre titxibo itityby rỹikremy. ²³Iribi tahe Moisesi reareu, tybyboho iseboho riwõrenyre inataõ ahãdumy tatyhynareny-di ihỹrenyreki. Moisesi itohouã ruxerare. Iòlò rubudỹyõ bede ywina rybemy rarybere. Moisesi tyby-wana kia bede ywina rybe lau ruberuõhyyre. ²⁴Moisesi raumynyreu, Faraõ rioreriõremy noderare tii tatyhydỹyõna òraru-ki. ²⁵Tii heka tamywire Deuxu erydu mahãdu-wana aõhòkỹmy rotỹnykremy. Urihimyõ òrarumy reõwarike derare heka rare. ²⁶Moisesi, Egito bede-ki aõna aõna wihikỹ rỹiramyhỹ derare.

Iny tamy aõmy rarybehinamyhÿre. Tahe ibinamy rõhõtinyõmyhÿre. Kristu dori riraõmyhÿre, biu-ki uriõno idi rõhõtinyomyhÿre. ²⁷Moisesi Egito bede-ribi rõhõnyre, ityhyna direki wahe. Ruberuõhyomyhÿre heka tii iòlò deburehekÿ lau. Iwese Deuxumy lobixiõnadu iko-txi robire wesemy, rõhõnyre. Tii tahewo-ò ròdseõhyre. ²⁸Moisesi heka Deuxu rityhynyre. Tai tahe pascoa worana bedehesi riywinykemy beõra beõramy rarybere. Hålubu ijò-ò ritxiwire. Tai jÿju heka iny riõre delareny rirubunyõre. Egito riõre delareny rurure tai. ²⁹Iwese surubu tyre-di reurore wesele judeu mahãdu Ahobesò rawo-di reurore beõlemy. Iu Egito mahãdu reuròkemy rareu, urile bee idi raratòbõre. Kia riwinyrenyire ityhydÿÿnadireki. ³⁰Ijeriò hãwã mana òtity nihikÿ resere judeu mahãdu rityhynyreki. Debò inatxi reurò txuumy hãwã rora-ki rariare tahe resere. ³¹Raabe heka hãwyy uriuri ixidinodu rare, wedena wahe. Tahe Deuxu tyhydÿÿdukõdu mahãdu rexihureu, Raabe ruruõre tatyhydÿÿna-ki. Bede-di itxeredu riwòreki.

³²Timybohe ijõmy ararybekre? Wasirare heka ibutumy tuu ararybekre, sõwerekì. Kideò ijo, Barake, Sansaõ, Ijete, Davi, Samueli, tule Deuxu rybemy rybedu mahãdu sõwere. ³³Kaheka ibutumy riwinyre tyhyna-di. Ijõ iòlòhãwã-di rahÿÿnanyre. Òbitina riwinyrenyire. Ritarenyre aõmybo Deuxu rarybere. Leaõry dori rirarytxinyre. ³⁴Rirõnyre heõtywo-txi ihãrele ruruõrenyire. Mayrehe rubudÿÿna-ribi rexitarenyre. Bina-ribi ixby rarurunyrenyire. Ijõ aõbina-ki irurudityhymy ratximyhÿre. Tai sõwemy aõbinadu iribi rahenyre. ³⁵Tasÿò rubu-ribi riixixanyre hãwyyò rityhynyreki. Ijõ mahãduò aõhòkÿmy dÿÿnana-ki tamy reare. Ixitarasamy rõhõtinyõhyre aõhòkÿmy dÿÿnana-ribi. Tii dori umyuedeõna wihikÿ-di rubu-ribi rexixakredi rõhõtinyomyhÿre. ³⁶Ijõ ityhydÿÿduò idi rybe jei jeina-ki ratximyhÿre. Tule tai òhòte rÿire reruti òhòte-di. Tule ijõ womati reroti-di rataataare, ihyymy idi rehure rõtenawo-ò. ³⁷Ijõ mana-di riwere. Ijõ sehòtxi-di riwetyaòròre, wiere riatyre. Ijõ mayrehe-di rirubunyre. Ijõ ityhydÿÿdu-ò budoenity-di watxinityy-di idi rexityynyre, rama risarenyre, aõhòkÿmy risÿnymy inyõ tõtxi ririõhyre. Ijõ heka aõbinalemy tamy reare. ³⁸Kia ityhydÿÿdu mahãduò ibutu iny ratyre Deuxu dee wire. Kabeledudu ityhydÿÿdukõdu mahãdu wese aõkò tiiboho roire. Hãwãlòmÿ, bederahymy, hãloomÿ, kia ibutumy bede-di rariamyhÿre iwese iny isÿkòmÿ rÿire wese. ³⁹Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidÿÿna ritaõmyhÿrenyire. ⁴⁰Deuxu dori iny-ò riraõmyhÿre Kristu dehemyynyna wahe. Ihewo-ribi tahe kia inydeereny riwahinykre, wiwanahyyle. Tai tahe idi awityhymy iny ibutumy rõhõnykremy.

12 ¹Sõwere inydireny itxeredu. Iny robirenylemy rÿirerimy ihÿre. Tai tahe tako-ò rekekoamyhÿrenykre. Deuxu dori inydeereny riwahinyre. Òraru iutxiere inykireny rÿire. Tai tahe rikiatyrenyke òraru ibutumy inyboho dori rimymyhÿrenyire. ²Jesuisi-ò sohojile reketehemynyke. Tii dori inatyhydÿÿna deledÿÿdu rare tule inatyhydÿÿna konanadÿÿdu rare. Jesuisi deysana kanakredile rõhõtinyomyhÿrenyire. Tai tahe rahõtinyomyhÿre. Tai tahe aõhòkÿmy rotÿÿnyre, itxèd nihikÿ-ki rurure. Tai tahe ixÿru tamy reaõhy rurureu. Wiji tii

ronymyhÿre Deuxu ryna ruruweribi-ki. ³ Jesuisi dee hãbu binahakÿ aõbinamy reare. Tahe rawobinarybenyõhyre. Tai tahe idi røkõhõtinyrenyke iwese rakatxirenykemy. Uritere bede worenýõmy bede õtiidÿÿrenýõmy. ⁴ Boholabenyke, òraru ijesu òraru-ki inyõ aribireny ruruõhyomy ihÿre. ⁵ Deuxu tariõre dee rybe wesele adeereny rarybemyhÿre. Kia-ribi aõbohe õhõtireny rosara. Kia wese Deuxu rarybera: —Wariõre, araõbitidÿÿnyreu, uritere adebureõmy, alisina aõkõ dori rare. Deõsana rybemy adee ararybekeki, uritere bedewoõmy. ⁶ Deuxu dori aluurekile araõbitidÿÿnykre. Deuxu tariõre wesemy inyõ rimykeki, aõhøkÿmy risÿnymyhÿre iõbitidÿÿmy. ⁷ Tybydiõ aõbohe uri tariõre-di uri aõbohe tyby idi rÿira tariõre riõbitinyõmy? Aõkõre. ⁸ Ibutumy iny õbitidÿÿmy Deuxu rurumyhÿre. Inyõ õbitidÿÿnadiõkeki tii iriõre inatyhy wesemy aõkõ rare. ⁹ Tule inytybyreny inydeereny retehemyhÿre inyboho riõbitidÿÿnymyhÿreny. Tai tahe iny riywinymyhÿreny. Deuxu tahe inytybyreny rare. Inytybyreny ratyre tahe tuu rikiywinynyke, tahe irumy rokoireke iurenana. ¹⁰ Iny tybyreny urihimýõ bededÿÿnana-di riõbitidÿÿnyre iwese tamywimy røkõtinyre wese. Deuxu tahe iny riõbitidÿÿnyre rekexiywinynykemy. Iwese õbitimy tii raremyhÿ wese rokoirekemy. ¹¹ Inyõ õbitidÿÿnamy deramy reakeki, tii deysamy aõkõ rareke. Òbitidÿÿna bedewona-di rare. Rexihuredi, tahe wiõhedÿÿnamy reamyhÿre modeebo reamyhÿred, irumy ywina-di rarehyke. ¹²⁻¹³ Kai bedewokeki, aumy-di, arayky-di iruruõra, ihãrele tahe birurudÿÿnymy bimyke. Ati tule iruruõre ihãrele tahe, mylke õbitimy. Betehemy, biywinymy ryõbiti-di mariake. Tai tahe ijõ iny reyterenykre, raõwenyõtjy.

¹⁴ Ainytyhymy inydee ibutumy ahãbenyke tule bexiõbitidÿÿnymy ahãbenyke. Iny õbitimy rÿiõkeki, tiu Deuxumy robiõtjy. ¹⁵ Inyõ tahewo-õ Deuxu ruxetõena-ribi ròðseke lau kaiboho bexiebenyke. Tule amahãdurenny-ki alòbòrònahyre wesemy inyõ ihÿke lau kaiboho bexiebenyke. Kiakeki, sówemy iny rahyrenyke òraruna uri wesemy. ¹⁶ Tule bexiebenyke inyõ òta òta òraru-txi reseke lau ada Deuxu tøkõtì ribi rosake lau. Ijau tahe Deuxu-di røkõtinyõre. Tyby rurukreu aõ tarasana-di tii rohonyre byrena sohoji õwylemy tahelÿÿna-õ rohonyre. ¹⁷ Iribi tahe õhõtireny losarenýõmy. Tii dori røkõtinyre taaõwi-di ixbyby imynymy reare. Tahe aõkõhyre rahinyrehãrele. Rabedewomy ronyre Ijau dori rÿsÿna deròwymy taaõwi riwahinyre taexi-õ. Inyboho tahe rekexiywinymahãrenyke itxÿte lau.

¹⁸ Deuxu tabede ywina rybe heka judeu mahãdu-õ riwahinyreu, tiiboho Sinai hãwãlò heõtjyko-txi rÿire. Sówemy heõtjy bedeluru yhynihikÿ tai reare. Tiiboho rubuerurennyre. Kaiboho tiu breburenýõmy ahãbenyke iwesereny. ¹⁹ Txurõnaõ rurõnyre nihikÿmy. Tule rybeõ rarybere. Iny ibinamy tai røkõtinyre. Tai tahe riixãwidynykemy Deuxu dee rarybere. ²⁰ Iròduõ hãwãlò-di tawa ritidikeki, iny mana-di tamy rehuke irubudÿÿmy Deuxu rybemyname. ²¹ Tai tahe iny tahewo-õ rexihẽjire brebumy. Moisesi tule, rexihãrunyre tuu robireu. Ramyatamy brebumy. ²²⁻²³ Kaiboho dori iwixira hãwãlò-õ tetehemynya, Siaõ hãwãlò-õ, Deuxu hãwã-õ. Kia biu-ki Jerusalẽ rare. Sówetyhymy tai jÿju

mahādu r̄yire bede hesina-ò. Ibutu butuna rare. Deuxu riòre sohojile butuna-ò tehemynte, dohodỹna mahādu wahe. Ibutumy ityryiti-ki ini roimyh̄re tamy rehemynre. Deuxu-ò tehemynte ibutumy erydumy ratximyh̄reò. Inyh̄kỹna mahādu òbitimy r̄yira mahādu-ò tehemynta. ²⁴Tule Jesuisi-ò tehemynte. Tii iny lobitỹmyradỹdu rare. Ihālubu-ò tehemynte. Abeli hālubu ratyre awimy ih̄re. Jesuisi hālubu dori inydee aōwiihikỹ rare iny òrarureny òraru-ki dori ritxiwire iny riòbitidỹnykremy. ²⁵Boholabenyke Deuxu rarybemyh̄re, boholabenyke. Kia Deuxu roholaōmyh̄re mahādu, rexihumyh̄re kabede-ki. Tii biu-ribi narybedeò, rokoholaōrenyeki, tule inyboho rekexihurenke. Inydeereny aōnityhykre. ²⁶Iu rarybereu, bede ramytatatyhyre. Tahe tii rarybere: —Sohojimy ixityre bede biummy arimytatadỹnykre. ²⁷Kiamy heka rarybereri. Aōbo relemy, urile ixāwikre aōbo ixāwidikōnalemy r̄yirakre. ²⁸Tai tahe Deuxumy rikiàlārenyke. Inyboho dori lòlōnasỹò rokoirenykre kia r̄yihyummy rarekre. Iwese Deuxudeewire wese rikiàlārenyke ityhyna-di òhāruna-di. ²⁹Deuxu ykarana dori heòty riworonumyh̄re wese rare.

13 ¹Ityhdyỹdu seriòre wiumy ahābenyke. ²Aòtxile aroraluduò bimihyummy ahābenyke. Inyò kawese risỹnykeu, j̄yu dori riwiòhenanyre, rieryòhyre mobo rare. ³Ròtenawo-ki r̄yire mahādu-ribi nohòti losarenyōmy. Iwese kai tii-wana atximahā wesele, aòhòkỹmy botỹnykre. Aōbinahakỹlemy tamy reamyhyre mahādu-ribi nohòtilosaōmy. Iwese inyò adeereny aōbinahakỹ riwinyumyh̄re weselemy idi mohòtinybenyke. ⁴Ibutumy bityhnybenyke ahāwyyumy herina, hābu tahāwyy-wana sohojile roike. Deuxu dori aòhòkỹmy risỹnykre òta òtana nodu tule òbitimy raòdònyòre mahādu ixi-di ròtemy aòkò boibeki. ⁵Aònihikỹ nieru tarasamy ixinohòtidỹnyrenyōmy. Aōbo akireny r̄yiredile, beysabenyke. Deuxu dori rarybere: —Tiu kaiboho wanohòti aribi rosaòtyhy. Tiu heka araatyrenyòtyhy. ⁶Tai tahe rikityhynumy rakaryberenyke: Inynyr̄ iny wiòhedỹdurenre. Tai tahe tiu rukuberurennyòtyhy. Inyò wadee aōbina riwinyòtyhy.

⁷Aerydỹdurenre-ribi nohòti losarenyōmy, tii adeereny Deuxu rybe rotohodỹmyh̄reki. Aōbo iruna konana-ò riwinyumyh̄redi, mohòtinybenyke. Iwese inatyhyna-di r̄yimyh̄re wese kaiboho inatyhyna-di atximahābenyke. ⁸Kanau, wiji, Jesuisi Kristu wiwesele ratxireri. Tiiemy iwesele rarehykre. ⁹Deuxu ruxetòena ixinamy arayky rirurudỹnyke. Roxina bede ywina wiòhena aòkò ratxireri. Kia heka moo tiu riwiòhenanyòhyre. ¹⁰Inyboho ixiwena witxiradirenre. Iribi tyby hetowo xiwena widỹdu mahādu riroxiòtyhy. ¹¹Iròduò didyde tykyhetoworanora-ki hālubu ritxiwikemy. Xiwena widỹdu mahādu wedu tuu ritxiwire òraruna tuedenamy. Uritere iròdu umy hāwā òtity webrò-ribi riwòsinyre. ¹²Tai tahe Jesuisi tule hāwāhākỹ ijò webòrò-ribi aòhòkỹmy rotỹnyre, iu tahālubu ritxiwire inydeereny tòemy, iny riòbitidỹnykemy. ¹³Rokoirenyke tahe tamy hāwā webòrò-ribi rikimiyrenkemy iix̄runayreò. ¹⁴Inatyhymy inydeereny tiiemy hāwā kabede-ki ihoòre. Tahe inyboho riraòmyh̄renre biu-ki ijòdikre. ¹⁵Jesuisi òraru-ki tahe

Deuxu rikiwowodynyrenyke. Kia iny xiwena wahidỹreny rare tamy. Tii iny rityhynyrenymyhỹre, tai tuu rekealärenyke. ¹⁶Tiu rikiwinyrenyke aõwiwidỹ. Tii Deuxudeewire. Tule wii rikiwiðhenanyrenyke. ¹⁷Aerydỹna mahädu biywinybenyke. Bityhynybenyke. Tiiboho dori aijesedureny ratximyhỹrenyke. Tii idi Deuxu-ð rirawyðnymyhỹre. Kaiboho bityhynybenykeki, tii teysamy raaõmysỹdỹkre. Aõkõkeki bedewomy ratxikre. Tai arawiðhenanyõtyhy.

¹⁸Wakireny bexitðenyhyymahãbenyke. Jiarỹboho wodeysanale-di rahõtinyinmahãre, ðbitina widỹdu-di rahõtinyinmahãreki. ¹⁹Tule Deuxu-ð bexitðenyhyyyke jiarỹ ele elemy adeereny arððserenykemy.

²⁰Inynyrỹ Jesuisi Kristu heka Deuxu rubu-ribi riixixadỹnyre. Tii iny-di itxeredureny nihikỹ rare. Budoeni-di itxeredu weselemy indyreny retehemyhỹre. Tii tahãlubu ritxiwire iny-wana bede ywina iixihudunakõna riwinykemy. ²¹Deuxu adeereny ibutumy riwahinyke tamy wimy kaiboho biwinybenykemy. Kia heka wadewire. Jesuisi Kristu-ð wowodyna ibutumy rarehyykemy watximahãre. Kie.

²²Waseriðreboho, kia watyiriti nihiỹmy aõkõ rewinyre. Tai tahe ywinamy idi boholabenyke rybe wiðhedỹna rybe tahe rare. ²³Iny seriðrereny Tximõtxi heka ròtena-ribi riteõnyrenyke. Ele elemy kanakeki, rakre wawana arorarenymy. ²⁴Wawehityyna rybe ibutu dohodỹna mahädu-ð biwahinykre, aerydỹdu mahädu-ð tule. Italia bede ludu mahädu irybe wehityhyna adeereny diwahinyde.

²⁵Deuxu ruxetðena akireny ratxikemy watximahãre.